

UNIVERZITET U SARAJEVU - FILOZOFSKI FAKULTET

Vijeće Fakulteta

Broj: 02-01/ ²/₁

Sarajevo, 25. 1. 2022. godine

Na osnovu člana 135. stav 3. alineja t) Zakona o visokom obrazovanju ("Službene novine Kantona Sarajevo", broj: 33/17., 35/20., 40/20. i 39/21.), člana 104. Statuta Univerziteta u Sarajevu, broj: 01-1093-3-1/18 od 28. 11. 2018. godine, i mišljenja po ovlaštenju dekana sekretara Fakulteta, broj: 03-02/58 od 21. 1. 2022. godine, Vijeće Fakulteta na 58. elektronskoj (redovnoj) sjednici održanoj 25. 1. 2022. godine, *donijelo je*

ODLUKU

I

Usvaja se **IZVJEŠTAJ O RADU UNIVERZITETA U SARAJEVU - FILOZOFSKOG FAKULTETA ZA 2021. GODINU**, broj: 02-01/20 od 21. 1. 2022. godine.

II

IZVJEŠTAJ O RADU UNIVERZITETA U SARAJEVU - FILOZOFSKOG FAKULTETA ZA 2021. GODINU iz stava I. ove odluke sastavni je dio ove odluke.

Obrazloženje

Vijeće Univerziteta u Sarajevu - Filozofskog fakulteta u skladu sa članom 135. tačka t) razmatra izvještaj o radu sa finansijskim poslovanjem organizacione jedinice, a dekan Fakulteta, u skladu sa članom 136. tačka 10) je obavezan da podnese izvještaj o radu sa izvještajem o finansijskom poslovanju organizacione jedinice za prethodnu godinu.

Slijedeći upute Univerziteta u Sarajevu Fakultet je sačinio prijedlog Izvještaja o radu koji sadrži elemente i informacije o poslovima koji su urađeni u prethodnoj godini, kao i drugim važnim činjenicama i informacijama iz oblasti nastavnonaučnog, naučnoistraživačkog i stručnog rada, na obrascima dostavljenim od strane Univerziteta u Sarajevu.

Predloženi Izvještaj o radu nakon usvajanja dostavit će se Univerzitetu u Sarajevu, a finansijski izvještaj nakon usvajanja istog u rokovima utvrđenim u zakonu.

DEKAN FAKULTETA


Prof. dr. Muhamed Dželilović

DOSTAVITI:

1. Univerzitetu u Sarajevu
2. Uz **IZVJEŠTAJ O RADU UNIVERZITETA U SARAJEVU - FILOZOFSKOG FAKULTETA ZA 2021. GODINU**
3. Uz zapisnik
4. Arhiva

UNIVERZITET U SARAJEVU - FILOZOFSKI FAKULTET

Broj: 03-02/ 58

Sarajevo, 21. 1. 2022. godine

**VIJEĆU FAKULTETA
OVDJE**

Na osnovu člana 126. Zakona o visokom obrazovanju („Službene novine Kantona Sarajevo“, broj: 33/17., 35/20., 40/20. i 39/21.), člana 123. stav (1) Statuta Univerziteta u Sarajevu, broj: 01-1093-3-1/18 od 28. 11. 2018. godine i Instrukcije generalnog sekretara Univerziteta u Sarajevu o obaveznom sadržaju stručnog mišljenja sekretara OJ, broj: 0105-684/18 od 5. 2. 2018. godine, po ovlaštenju dekana sekretar Univerziteta u Sarajevu - Filozofskog fakulteta daje sljedeće

MIŠLJENJE

za 58. e-sjednicu Vijeća Fakulteta zakazanu za 25. 1. 2022. godine

TAČKA: IZVJEŠTAJ O RADU UNIVERZITETA U SARAJEVU - FILOZOFSKOG FAKULTETA ZA 2021. GODINU

Obrazloženje

Vijeće Univerziteta u Sarajevu - Filozofskog fakulteta u skladu sa članom 135. tačka t) razmatra izvještaj o radu sa finansijskim poslovanjem organizacione jedinice, a dekan Fakulteta, u skladu sa članom 136. tačka 10) obavezan je da podnese izvještaj o radu sa izvještajem o finansijskom poslovanju organizacione jedinice za prethodnu godinu.

Slijedeći upute Univerziteta u Sarajevu Fakultet je sačinio prijedlog Izvještaja o radu koji sadrži elemente i informacije o poslovima koji su urađeni u prethodnoj godini, kao i drugim važnim činjenicama i informacijama iz oblasti nastavnounaučnog, naučnoistraživačkog i stručnog rada, na obrascima dostavljenim od strane Univerziteta u Sarajevu.

Predloženi Izvještaj o radu nakon usvajanja dostavit će se Univerzitetu u Sarajevu, a finansijski izvještaj nakon usvajanja istog u rokovima utvrđenim u zakonu.

Sastavni dio mišljenja je prijedlog odluke.

PO OVLAŠTENJU DEKANA SEKRETAR FAKULTETA


Maida Bešić, dipl. iur.

ŠEF SLUŽBE ZA NASTAVU
PO OVLAŠTENJU DEKANA ŠEF STUDENTSKE SLUŽBE


Alma Ahmetspahić

ODOBRILI
PRODEKAN ZA NASTAVU I STUDENTSKA PITANJA FAKULTETA


Prof. dr. Jadranka Kolenović-Đapo

PRODEKAN ZA FINANSIJSKO-ORGANIZACIJSKE POSLOVE FAKULTETA

PRODEKAN ZA NAUČNOISTRAŽIVAČKI RAD, MEĐUNARODNU AKADEMSKU SARADNJU I IZDAVAŠTVO FAKULTETA


Prof. dr. Amir Duranović

DEKAN FAKULTETA


Prof. dr. Muhamed Dželilović

DOSTAVITI

1. Senatu Univerziteta u Sarajevu
2. Vijeću Fakulteta
3. Arhiva

Univerzitet u Sarajevu – Filozofski fakultet u 2021. godini je nastavio realizaciju započetih procesa iz 2020. godine, te okončao ljetni semestar 2020/21. i izvršio upis kandidata na I i II ciklus studija u skladu sa raspisanim Konkursom za 2021/22., te organizovao nastavni proces za tekuću akademsku 2021/22. godinu.

Odmah po proglašenju pandemije od strane WHO (11.03.2020. godine) Filozofski fakultet je krenuo u implementaciju LMS - Moodle platforme - BISER. Izvršena je edukacija nastavnog osoblja u korištenju BISER-a, tako da je nastava iz učionica neprimijetno premještena u *online* okruženje. U aprilu 2020. godine, zbog velikog broja korisnika, migriramo na novi server koji je optimiziran za rad sa Moodle platformom i na tom serveru se nalazi i danas. Početkom studijske 2020/2021. godine Filozofski fakultet je zakupio server sa instaliranom BigBlueButton konferencijskom platformom koja je integrirana u BISER i putem koje se odvija veliki dio nastave.

Način rada na Fakultetu je regulisan u skladu sa naredbama i preporukama Kriznog štaba u uslovima pandemije COVID-19.

Procesi vezani za upis studenata u st. 2021/2022. godini, provedeni su *online* prijavama studenata.

Fakultet je u skladu sa naložima Univerziteta u Sarajevu organizovao promociju studenata I, II i III ciklusa studija. Također, vođen je postupak za sticanje naučnog zvanja magistra i doktora nauka prema ranijem režimu studiranja.

Fakultet je završio evaluaciju rada nastavnika i saradnika od strane studenata (u ljetnom semestru st. 2020/2021.) i u toku je evaluaciju rada nastavnika i saradnika od strane studenata za zimski semestar st. 2021/2022.).

Biblioteka je u 2021. godini značajno unaprijedila poslovanje u segmentu elektronskog izdavaštva. Tokom 2021. godine, u saradnji sa Službom za informatičku podršku, završena je implementacija Open Journal System-a (OJS) za časopis Sophos koji publikuje Fakultet ([SOPHOS: A Young Researchers' Journal \(unsa.ba\)](#)). Ovim korakom završili smo implementaciju OJS sistema za naše časopise. Tokom 2021. godine implementirali smo Open monograph press platformu (OMP) ([E-knjige Filozofskog fakulteta Univerziteta u Sarajevu / UNSA Faculty of Philosophy E-books](#)) koja autorima nudi veću vidljivost na mreži. Open Monograph Press je platforma otvorenog koda za upravljanje i objavljivanje naučnih knjiga. Može se koristiti za upravljanje uredničkim procesom potrebnim za pregled monografija, uređenih tomova i naučnih izdanja kroz internu i eksternu recenziju, uređivanje, katalogizaciju, proizvodnju i objavljivanje. OMP može raditi i kao web stranica sa kataloškim, distribucijskim i prodajnim kapacitetima. OMP je softver objavljen pod licencom otvorenog koda i može se besplatno preuzeti, koristiti i mijenjati. Kao završni korak uspostavili smo portal za Elektronsko izdavaštvo Filozofskog fakulteta ([E-izdavaštvo \(unsa.ba\)](#)). Na portalu elektronsko izdavaštvo korisnicima su dostupna 3 časopisa (više od 200 članaka) i 61 monografska publikacija. Svaki članak i monografija opremljeni su setom metapodataka, a zahvaljujući mogućnostima koje nude ove platforme i indeksirani u Google Scholar-u.

Cijeneći okolnost da se nastava održava online raspored nastave za sve studijske programe sačinjen je sa rasporedom učionica i online podrške s obzirom da se nije znalo do kada će mjere vezane za pandemiju biti na snazi.

U toku je postupak osnivanja, odnosno, prerastanja Katedre za arheologiju u Odsjek za arheologiju (materijal je upućen Ministarstvu za obrazovanje, nauku i mlade Kantona Sarajevo i čeka se saglasnost).

U cilju pripreme sjednica Vijeća Fakulteta odsjeci/katedre redovno su se održavale sjednice Vijeća Odsjeka/Katedri.

Vijeće Univerziteta u Sarajevu - Filozofskog fakulteta u toku 2021. godine održalo je 1 TEMATSKU, 1 REDOVNU i 18 ELEKTRONSKIH (REDOVNIH) SJEDNICA (ukupno: 20). Održane su i sjednice stručnih i drugih tijela Fakulteta. Za sve sjednice Vijeća Fakulteta sačinjena su mišljenja sekretara (pojedinačna i grupna) po tačkama dnevnog reda. Stručna mišljenja sekretara Fakulteta data su i za poslove vezane za Računovodstvo, Pravnu službu, Biblioteku i Tehničku službu, kao i posebno za Studentsku službu. Obrađuju se i rješavaju se studentske molbe upućene Dekanu i Odsjecima/Katedrama Fakulteta, u skladu sa podnesenim zahtjevima.

Broj studijskih programa na kojim se izvodi nastavnonaučni proces je dat u tabeli u prilogu.

Broj upisanih studenata na I i II ciklusu studija dat je u prilogu.

U sklopu redovnih aktivnosti provedeni su svi postupci vezani za napredovanje i izbor akademskog osoblja. Ostaje i dalje problem nemogućnosti prijema akademskog i administrativnog stručnog osoblja na upražnjene pozicije što dovodi u pitanje odvijanje nastavnonaučnog i ostalih procesa na Fakultetu.

Posebno je potrebno napomenuti da nadležno ministarstvo i Kanton Sarajevo ne obezbjeđuju Fakultetu potrebna sredstva predviđena Kolektivnim ugovorom za odvijanje nastavnonaučnog procesa, već duži niz godina.

Nastavnonaučni proces na III ciklusu studija odvija se na odobrenim linijama doktorskog studija. Nastavnonaučni proces se odvijao online/konsultacije. Vijeća doktorskog studija koja su organizovana za svaki doktorski studij posebno, održali su redovne sjednice *online*, te razriješili sva pitanja vezana za nastavnonaučni proces na doktorskim studijima, a zajedničko Vijeće doktorskog studija ((konstituisano u 2019. godini), prema Pravilima studiranja iz 2018. godine) pratilo je procese vezane za odvijanje nastavnonaučnog procesa na pojedinim vijećima doktorskog studija.

Završeni su započeti postupci vezani za uvođenje Doktorskog studija *arheologije*, te raspisani konkursi za doktorske studije za st. 21/22. U toku je postupak za otvaranje Doktorskog studija iz *informatičkih nauka*.

Fakultet je obezbijedio provođenje javne rasprave za sva akta koja donosi Univerzitet, odnosno, Fakultet.

Izveštajni period za 2021. godinu posebno karakteriše okončanje procesa INTEGRACIJE UNIVERZITETA U SARAJEVU, radi pripajanja organizacionih jedinica Univerziteta, sa 1. 7. 2021. godine, čime je okončan postupak usklađivanja statusa Univerziteta u Sarajevu i organizacionih jedinica utvrđen Zakonom o visokom obrazovanju ("Službene novine Kantona Sarajevo", broj: 33/17., 35/20., 40/20. i 39/21.) i Odlukom Skupštine Kantona Sarajevo o pripajanju Fakulteta, akademija...Napominjemo, da je Fakultet proveo sve neophodne radnje koje proizilaze iz procesa integracije.

Fakultet je prilikom prelaska na trezor na način kako je to traženo i nakon dolaska i dogovora u Ministarstvo iskazao svoje potrebe u cilju odvijanja nastavnonaučnog procesa i ostalih procesa na Fakultetu. Fakultet je u momentu prelaska na trezor prenio 2.290.000 KM u Budžet. Iako je Fakultet prilikom prelaska na trezorsko poslovanje iskazao potrebe, ostao je uskraćen za 1.800.000 KM sredstava, a koja su Rebalansom za 2019. godinu umanjena na 1.500.000 KM. Time je Fakultetu *onemogućeno* da plati rad preko norme, dopunski radni odnos, gostujuće profesore, demonstratore i nabavi potrebnu tehničku i zaštitnu opremu, plati napredovanja nastavnika i saradnika i materijalne troškove. Sva potrebna plaćanja izvršena su iz "vlastitih sredstava" iako se Fakultet obraćao i Ministarstvu i Univerzitetu u Sarajevu za obezbjeđenje navedenih sredstava koja su definisana Kolektivnim ugovorom i koja su što je vidljivo iz izvještaja o radu, planiranog budžeta *isplaćena drugim organizacionim jedinicama u punom iznosu*. U dokumentu okvirnog Budžeta za 2021. godinu Fakultet je u skladu sa Kolektivnim ugovorom iskazao potrebna sredstva u iznosu od 14.647.420 KM. Odobreni Budžet za 2021. godinu iznosi 11.861.414., iz čega proizilazi da Fakultetu za normalno funkcionisanje nedostaje 2.786.000. KM. Napominjemo da Fakultet nije potpisao ponuđene limite.

Univerzitet je obezbijedio ostanak u radnom odnosu saradničkog kadra primljenog po programu 150+, što je u značajnoj mjeri pomoglo u obezbjeđenju neophodnog kadra na Fakultetu. Trenutno je u toku izbor saradnika primljenih po programu 150+.

Fakultet je u toku 2021. godine uradio sve potrebne i tražene procese vezane za finansijsko poslovanje i javne nabavke.

Urađeni su DOB (DOKUMET OKVIRNOG BUDŽETA) za 2021, 2022, 2023. godinu, kvartalni i mjesečni operativni planovi, kvartalni obračuni, plan javnih nabavki za 2021. godinu.

Nakon integracije, odnosno, sa 30.6.2021. godine urađen je završni račun za period I-VI 2021. godine, vanredni popis na dan 30.6.2021. godine, novi plan javnih nabavki za period VII-XII 2021. godine, u sklopu integriranog Univerziteta, te novi obrasci sa podacima za sve zaposlene vezano za plate.

U 2021. godini Fakultet zbog nedostatka vlastitih sredstava nije imao ulaganja u opremu i radove.

Nakon kvara na kotlovnici Fakulteta, uloženi su napor da se iz drugih izvora obezbijede sredstva za nabavku novog kotla, provedena je i hitna nabavka, završene sve propisane procedure i uspješno okončana u prvoj polovini januara 2022. godine.

Zahtjeve prema Univerzitetu u Sarajevu, Ministarstvu za obrazovanje, nauku i mlade Kantona Sarajevo i Ministarstvu finansija Kantona Sarajevo, te Sindikatu Univerziteta u Sarajevu, Fakultet kontinuirano upućuje s ciljem obezbjeđenja neophodnih sredstava za rad Fakulteta, kao i obezbjeđenja materijalne osnove rada, jer u uslovima koji ne garantuju sredstva predviđena Kolektivnim ugovorom Fakultet neće biti u mogućnosti obezbijediti izvršenje svih procesa kao i obaveza koje određuje Univerzitet u Sarajevu i Ministarstvo za obrazovanje, nauku i mlade Kantona Sarajevo.

Nakon petnaestogodišnjih nastojanja više rukovodstava i zahtjeva upućenih resornim ministarstvima Federacije i Kantona, Zavodu za izgradnju grada, USAID-u, ambasadama različitih zemalja i nizu drugih institucija, Fakultet je već 2020. godine obaviješten da je uvršten na listu projekta utopljanja objekata obrazovnih institucija kojeg finansira Vlada Kantona Sarajevo i UNDP. Energetski audit koji je urađen podrazumijeva prije svega potpunu zamjenu kompletne vanjske stolarije ukupne površine cca 2800 m², čime bi se osiguralo brže i jeftinije zagrijavanje objekta ukupne površine 7777 m². Time bi se na dugi rok riješio jedan od bitnih uslova za redovno odvijanje svih aktivnosti Filozofskog fakulteta. Radovi su trebali biti obavljani tokom 2021. godine, ali s obzirom na otežane okolnosti izazvane pandemijom, a

prema usmenom obećanju nekoliko ministara i premijera Vlade KS, termin realizacije projekta je pomjeren za 2022., kao „izvjesnu godinu“ u kojoj bi trebali biti i započeti i dovršeni svi predviđeni radovi. Upravo o tome je bilo riječi i na zasebnom sastanku sa ministrom Hadžiahmetovićem upriličenim u Ministarstvu komunalne privrede, infrastrukture, građenja, prostornog uređenja i zaštite okoliša KS održanom 26.05.2021. godine, kao i sa premjerom Vlade Kantona Sarajevo Edinom Fortom u julu 2021.godine. Predviđena sredstva za ovu namjenu su oko 1100 000 KM i iskreno se nadamo da će se ove godine projekat utopljanja zgrade Filozofskog fakulteta i realizirati.

U 2021. godini Inspekcija za visoko obrazovanje izvršila je usmjerene preglede.

Redovno se radi na unosu, obradi i ažuriranju podataka u HR-aplikaciji za akademsko i administrativno osoblje Univerziteta u Sarajevu - Filozofskog fakulteta, a sve u skladu sa odlukama Senata Univerziteta u Sarajevu.

Fakultet je postupao po zahtjevu Ureda za borbu protiv korupcije Kantona Sarajevo i kontinuirano radi na unosu traženih podataka.

Fakultet redovno u skladu sa Uredbom o vrsti i postupku objavljivanja propisa KS objavljuje propise i druge akte na internet stranici.

Odbor za osiguranje kvaliteta na Univerzitetu u Sarajevu - Filozofskom fakultetu u 2021. godini obavljao je sve poslove iz svoje nadležnosti.

Tokom 2021. godine, uprkos uvjetima pandemije COVID-19, u okviru aktivnosti međunarodne akademske saradnje, naučnoistraživačkog rada i izdavaštva realizirane su brojne aktivnosti kojim se pokazuje opredijeljenost nastavnika, saradnika i osoblja Filozofskog fakulteta za dalji razvoj i unaprjeđenje navedenih oblasti. Na nivou Fakulteta aktivan je 21 Erasmus sporazum o međunarodnoj mobilnosti nastavnika (povećan broj u odnosu na prethodnu godinu), saradnika, studenata i osoblja, pet CEEPUS mreža mobilnosti, nastavnici i saradnici su učestvovali u 55 programa domaćeg ili međunarodnog karaktera (konferencija, okrugli sto, kongres, tribina, simpozij, seminar, sajam, informativni dan, promocija, radni sastanci i posjete, radionice, trening i sl), realizirano je pet programa cjeloživotnog učenja, pedagoško obrazovanje nastavnika u dva ciklusa, okončano više naučnoistraživačkih i istraživačkorazvojnih projekata u okviru Centra NIRSA, ali i projekata finansiranih od institucija Kantona Sarajevo i/ili Federacije Bosne i Hercegovine. Izdvaja se okončanje projekata: "Izvori za historiju srednjovjekovne Bosne (Diversa Notariae Dubrovačkog arhiva)", "Srednjovjekovna bosanska vlastela", voditelja prof. dr. Esada Kurtovića, „Uticao psihoterapije na poboljšanje radnog pamćenja kod anksioznih klijenata“, voditeljice prof. dr. Maide Koso-Drljević, „EU-integracije i koncepti više društvene vrijednosti“, voditelja prof. dr. Vedada Smailagića, i „Najstarija baština Sarajeva: Naučno-istraživački rad u svrhu razvoja turizma“ doc. dr. Amre Šaćić Beća. Zbog pandemije COVID-19 dio projektnih aktivnosti je prolongiran za 2022. godinu i sjecanje uvjeta za normalno okončanje projektnih ciljeva, kao što je bilateralni projekat voditelja prof. dr. Amira Duranovića „Historijska iskustva života u Jugoslaviji: Bosna i Hercegovina i Slovenija u komparativnoj perspektivi“ koji se realizira sa partnerima iz Kopra, Republika Slovenija. Kako se radi o dvogodišnjem projektu, očekivani rezultati u konačnici će biti dovedeni do kraja zaključno sa 2023. godinom.

U izdavaštvu, Filozofski fakultet je nastavio sa projektima objavljivanja e-izdanja i štampanih izdanja. Publicirane su kao štampane knjige sljedeći naslovi: *Veznici u savremenom bosanskom jeziku* autora prof. dr. Halida Bulića (knjiga nagrađena na Sarajevskom sajmu knjiga), *Erosova manufaktura: komički pristup ljubavi u južnoslavenskoj lirici od 15. do 21. stoljeća* autorice doc. dr. Adise Bašić (knjiga nagrađena od strane Austrijskog slavističkog društva - Österreichische Gesellschaft für Slawistik, naziv nagrade „Ingeborg Ohnheiser“ u kategoriji nauka o književnosti, a nagrada se dodjeljuje za najbolju slavističku disertaciju odbranenu u Austriji, na univerzitetima u Beču, Grazu, Klagenfurtu, Salzburgu i Innsbrucku), knjiga *Zatočene: žene u zatvorskom sustavu Bosne i Hercegovine 1878-1914* autorice prof. dr. Amile Kasumović, *Osnove perzijskog jezika: gramatika s vježbama* autora prof. dr. Munira Drkića, a okončane pripreme na realizaciji još tri izdavačka projekta. Uz E-izdanja i štampane monografije, Fakultet je redovno publicirao svoje periodične naslove: objavljeni su *Radovi Filozofskog fakulteta* (knjiga XXIV), *Radovi Filozofskog fakulteta (Historija, Historija umjetnosti, Arheologija)*, knjiga 8, kao i časopis *Sophos, časopis mladih istraživača*. Uz navedeno, publicirani naslovi su i promovirani u posebno realiziranom programu pod nazivom „Sedmica Filozofskog fakulteta“ kojom je obilježena 71. godišnjica Filozofskog fakulteta.

U Centru NIRSA realizirane su redovne projektne aktivnosti u skladu sa odlukama Vijeća fakulteta, a prema prijedlozima predmetnih nastavnika kao voditelja projekata. Izdvajaju se sljedeći projekti: „Psihosocijalne odrednice depresivnosti, anksioznosti i stresa kod studenata“ voditeljice prof. dr. Amele Dautbegović, Roditeljsko ponašanje iz ugla adolescenata i njihovih roditelja i psihološka prilagodba kod starijih adolescenata“ voditeljice doc. dr. Đenite Tuće, „Rječnik bosanskih slivenica“ i „Korpus SMS poruka na bosanskom jeziku“ voditelja prof. dr. Halida Bulića, „Perfekcionizam i psihološka dobrobit“

voditeljice prof. dr. Enedine Hasanbegović Anić, „Heuristici i kognitivne pristrasnosti u medicinskoj dijagnostici kod studenata medicine“ voditelja prof. dr. Nermina Đape, a okončane su i projektne aktivnosti na realizaciji zadataka u okviru projekta „Prosvjeta u životu sarajevskih građana osmanskog doba“ voditeljice prof. dr. Kerime Filan.

U toku 2021. godine proveden je postupak za angažiranje lektora – stranih državljana neophodnih u nastavi stranog jezika i sa radom su počeli novi lektori češkog i perzijskog jezika, a nastavljene su projektne aktivnosti na programima učenja stranih jezika i kroz sadržaje u Centru NIRSA. Dekanat Fakulteta imao je susrete sa akreditovanim ambasadorima u Bosni i Hercegovini, nastavljajući na taj način, stvarati pravne i finansijske pretpostavke za razvoj međunarodne akademske saradnje, naučnoistraživačkog rada i izdavaštva.

Biblioteka FFUNSA je u 2021. godini uspjela realizirati planirane aktivnosti, te nastavila s unapređivanjem procesa rada i usluga za korisnike. U skladu sa Zakonom o bibliotečkoj djelatnosti (Službene novine Kantona Sarajevo 4/99, čl. 13) realizirana je revizija fonda Odsjeka za orijentalnu filologiju u sistemu COBISS. Biblioteka je ponovo bila jedina visokoškolska biblioteka u BiH koja je izvršila reviziju fonda u COBISS sistemu. Tokom 2021. godine, u potpunosti su sprovedene aktivnosti na kreiranju i ažuriranju personalnih bibliografija nastavnog osoblja. U 2021. godini Biblioteka je uspješno zadržala predpandemijski nivo u segmentu Pozajmice, zahvaljujući implementiranim uslugama online chat-a, i online upis u Biblioteku. Uspješno je nastavljena saradnja s drugim i sličnim institucijama po pitanju razmjene i poklona za fondove, pa je tako tokom 2021. godine kroz razmjenu i poklon ostvaren priliv od 2.513 primjerka monografskih publikacija, a kupovinom 35 primjerka. Biblioteka je tokom godine organizirala različite edukativne događaje, obilježila Nacionalni dan svjesnosti o bibliotekama i bila koordinator Nacionalnog dana svjesnosti o bibliotekama u BiH. U saradnji s Katedrom za informacijske nauke Biblioteka je učestvovala u izvođenju praktične nastave za studente putem platforme Biser i realizirala druge projekte. Sa Bibliotekom Univerziteta u Sarajevu kreiran je zajednički Online katalog visokoškolskih i specijalnih biblioteka Univerziteta u Sarajevu, koji korisnicima omogućava lakši i brži pristup katalozima i gradi biblioteka svih organizacionih jedinica Univerziteta u Sarajevu. Biblioteka Filozofskog fakulteta održala je online edukacije za korištenje bibliotečko-informacijskih usluga u online i fizičkom prostoru za studente/ice prve godine Prvog ciklusa studija Filozofskog fakulteta. U vrijeme trajanja pandemije Biblioteka je organizirala rad koristeći UNSA Smjernice za nastavak rada – COVID.

Vlastitim sredstvima Fakultet je nabavio sredstva za dezinfekciju, te omogućio korištenje prostora Fakulteta u datim okolnostima.

DEKAN FAKULTETA
Prof. dr. Muhamed Dželilović

	Broj angažiranih lica (bez navođenja imena)
Učešće u nastavi istaknutih stručnjaka iz prakse na Univerzitetu u Sarajevu (domaći i strani)	1
Učešće u nastavi naših nastavnika i predavača na drugim univerzitetima u i van BiH	13
Učešće u nastavi nastavnika i predavača sa drugih institucija iz i van BiH na Univerzitetu u Sarajevu	13

Predbolonjski studenti	Ukupno
VI stepen/dvogodišnji studij/ stari program	
VII stepen - stari program	103
Magistarske/specijalističke studije - stari program	311
Doktorske studije - stari program	38

	Aktivnih studijskih programa ukupno (koje studenti mogu upisivati)
Stručni studij	
Prvi ciklus - Bolonjski program	106*
Drugi ciklus - Bolonjski program	62*
Integrirani ciklus I+II/ - Bolonjski program	
Specijalistički studij	
Treći ciklus - Bolonjski program	11
UKUPNO	179
Od ukupnog broja studijskih programa molimo u tabeli ispod navedite:	
Broj programa u saradnji sa privredom	
Broj komercijalnih studijskih programa	
Broj programa na engleskom jeziku	
Broj programa na drugim stranim jezicima	1
Broj interdisciplinarnih programa	

* Aktivni studijski programi upisani u studijskoj 2021/2022. godini

Aktivni programi cjeloživotnog učenja (poimenično)

Naziv programa/modula:	Broj ECTS:	Cilj(evi) programa/kursa:	Ukupan broj kontakt sati:
<u>Kurs bosanskog, hrvatskog, srpskog jezika za strane državljane</u>		Cilj ovog kursa jeste pomoći stranim državljanima da ovladaju osnovama bosanskog, hrvatskog, srpskog jezika (za niži nivo), kao i da razviju konverzijske vještine (za viši nivo). Također, kurs ima za cilj približiti studente kulturi i umjetnosti, kao i pojedinim kulturno specifičnim elementima našeg jezika i društva.	Po 72 sata za svaki nivo (niži i viši). Časovi za niži nivo održavaju se utorkom od 12 do 14:30 i srijedom od 12:30 do 15h. Časovi za viši nivo održavaju se utorkom i četvrtkom od 16:30 do 19h
<u>Kurs japanskog jezika</u>		Program ovog kursa nudi polaznicima priliku da uče o japanskom jeziku i kulturi.	Zimski semestar: 12. 10. 2020. - 5. 2. 2021. Ljetni semestar: 22. 2. 2021. - 11. 6. 2021. 6 grupa po 30 časova od 90 minuta u semestru
<u>Ljetna škola japanskog jezika</u>		Program je komunikacijski orijentiran i pruža učesnicima priliku da govore o vlastitoj kulturi i da upoznaju japansku kulturu.	Podijeljen je u 5 različitih nivoa. Svaki nivo se sastoji od 8 kratkih časova tijekom tri tjedna. Raspored: ►Japanese 1 : Utorak i četvrtak 10:00 – 11:00 ili subota ili nedjelja 10:00 – 12:00 ►Japanese 2 : utorak i četvrtak 10:00 – 11:00 ili subota 10:00 – 12:00 ►Japanese 3 : utorak i četvrtak 10:00 – 11:00 ili subota 10:00 – 12:00 ►Japanese 4 : utorak i četvrtak 10:00 – 11:00 ili subota 10:00 – 12:00 ►Japanese 5 : utorak i četvrtak 10:00 – 11:00 ili subota 10:00 – 12:00
<u>Kurs poljskog jezika</u>			A1 utorak/petak 18.30-20.00 A1/A2 (drugi semestar, nastavak kursa koji je počeo u februaru prošle godine) Ponedjeljak/Četvrtak 18.-19.30; 19.30-20.00 (dvije grupe) Utorak/Petak 8.30-10.00 Ukupno 30 časova za svaku grupu
<u>Kurs češkog jezika</u>			
Kurs Češkog jezika i kulture A1/A2 (NIRSA)			Grupa 1: Srijeda: 17:00-18:30 Četvrtak: 17:00-18:30 Grupa 2: Srijeda: 17:00-18:30 Petak: 10:00-11:30
Kurs Češkog jezika i kulture A2/B1 (NIRSA)			Utorak: 17:30-19:00 Petak: 17:00-18:30
Kurs Češkog jezika i kulture B1 (NIRSA)			Srijeda: 19:30-20:00 Četvrtak: 19:30-20:00

	A	B	C	D	E	F	G	H	I	J
52		Mediji i komunikacije								
53		Ostale društvene nauke	3				2			
54	Humanističke nauke									
55		Historija i arheologija	2		2		2		1	
56		Jezik i književnost	5	2			8			3
57		Filozofija, etika i religija	5	1	1	1		2		
58		Umjetnost (umjetnost, historija umjetnosti, umjetnost izvođenja, muzika)	4	1	1	1				1
59		Druge humanističke studije								
60		UKUPNO	30	6	9	5	17	2	1	4

Naučnoistraživački/istraživačko-razvojni projekti
Umjetnički projekti

Osnovni podaci o projektima u 2021. godini. (U tabele nije potrebno unositi podatke o projektima finansiranim kroz programe Horizont 2020, COST i Erasmus+, niti NI/IR projekte koje finansira FMON; unijeti ostale projekte u saradnji sa privrednim subjektima, ili npr. projekte finansirane iz različitih programa/fondova (IPA, Interreg, WB, UN agencije i dr.)

Redni broj	Naziv projekta	Pozicija u projektu (Koordinator ili partner)	Izvor finansiranja (državni, entitetski ili kantonalni; saradnja sa privredom, program/fond međunarodne ili bilateralne naučne saradnje; program/fond specijalizirane međunarodne institucije; vlastita sredstva i dr.)	Period implementacije
1	Prokrastinacija kod studenata	Voditeljica prof. dr. Sibela Zvizdić (Centar za psihološka istraživanja, edukaciju i savjetovanje - CPIES)	Vlastita sredstva	Odluka o usvajanju prijedloga istraživačkog projekta donesena na 39. redovnoj sjednici Vijeća Filozofskog fakulteta UNSA (broj:02-01/67-1, dana 8.2.2021. godine)
2	„Stavovi o mentalno bolesnim osobama“	Voditeljica prof. dr. Sibela Zvizdić (Centar za psihološka istraživanja, edukaciju i savjetovanje - CPIES)	Vlastita sredstva	Odluka o usvajanju prijedloga istraživačkog projekta donesena na 39. redovnoj sjednici Vijeća Filozofskog fakulteta UNSA (broj:02-01/67-1, dana 8.2.2021. godine)
3	„Psihosocijalne odrednice depresivnosti, anksioznosti i stresa kod studenata“	Voditeljica doc. dr. Amela Dautbegović (Centar za psihološka istraživanja, edukaciju i savjetovanje - CPIES)	Vlastita sredstva	Odluka o usvajanju prijedloga istraživačkog projekta donesena na 39. redovnoj sjednici Vijeća Filozofskog fakulteta UNSA (broj:02-01/67-1, dana 8.2.2021. godine)
4	Roditeljsko ponašanje iz ugla adolescenata i njihovih roditelja i psihološka prilagodba kod starijih adolescenata	Voditeljica doc. dr. Denisa Tuće (Centar za psihološka istraživanja, edukaciju i savjetovanje - CPIES)	Vlastita sredstva	Odluka o usvajanju prijedloga istraživačkog projekta donesena na 39. redovnoj sjednici Vijeća Filozofskog fakulteta UNSA (broj:02-01/67-1, dana 8.2.2021. godine)
5	Prosvjeta u životu sarajevskih građana osmanskog doba	prof. dr. Kerima Filan(Odsjek za orijentalnu filologiju)	Vlastita sredstva	Privremeni izvještaj o naučnoistraživačkom projektu usvojen na 37. redovnoj sjednici Vijeća Filozofskog fakulteta UNSA (broj: 02-01/30, dana 11.1.2021. godine)
6	Rječnik bosanskih slivenica	prof. dr. Halid Bulić (Centar za bosanski, hrvatski i srpski jezik Filozofskog fakulteta Univerziteta u Sarajevu)	Vlastita sredstva	Odluka o usvajanju prijedloga istraživačkog projekta donesena na 39. redovnoj sjednici Vijeća Filozofskog fakulteta UNSA (broj:02-01/67-1, dana 8.2.2021. godine)
7	Korpus SMS poruka na bosanskom jeziku	prof. dr. Halid Bulić (Centar za bosanski, hrvatski i srpski jezik Filozofskog fakulteta Univerziteta u Sarajevu)	Vlastita sredstva	Odluka o usvajanju prijedloga istraživačkog projekta donesena na 39. redovnoj sjednici Vijeća Filozofskog fakulteta UNSA (broj:02-01/67-1, dana 8.2.2021. godine)
8	Perfekcionizam i psihološka dobrobit	Prof. dr. Eneida Hasanbegović-Anić (Odsjek za psihologiju, FFUNSA)	Vlastita sredstva	Odluka o usvajanju prijedloga istraživačkog projekta donesena na 46. elektronskoj sjednici Vijeća Filozofskog fakulteta UNSA (broj:03-02/484, dana 13.7.2021. godine)
9	Heuristički i kognitivne pristrasnosti u medicinskoj dijagnostici kod studenata medicine	Prof. dr. Nermin Đapo (Odsjek za psihologiju, FFUNSA)	Vlastita sredstva	Odluka o usvajanju prijedloga istraživačkog projekta donesena na 46. elektronskoj (redovnoj) sjednici Vijeća Filozofskog fakulteta UNSA (broj:03-02/724, dana 19.10.2021. godine)

Umjetničko-istraživačka postignuća

Likovne umjetnosti				
	Klasične likovne discipline	Novi mediji	Kombinirane	Ostalo
Samostalnih izložbi				
Kolektivnih izložbi				
Ukupno				

Likovne discipline						
	Skulptura	Slikarstvo	Grafika	Novi mediji	Fotografija	Kombinovano
Samostalnih izložbi						
Kolektivnih izložbi						
Ukupno						

Muzičke umjetnosti

	Vokalni	Instrumentalni	Vokalno-instrumentalni
Solistički koncerti			
Orkestarske izvedbe / koncerti			

Scenske umjetnosti				
	Pozorišne predstave	Igrani filmovi	Dokumentarni filmovi	Epizoda serijskog programa

Tabela sa podacima za oblast Međunarodne saradnje je dostavljena kao posebna datoteka.
Upute će Služba za međunarodnu saradnju dostaviti prodekanima za MS u posebnom mailu

